

Joachim Stockmann

**Rector Academiae Rostochiensis Joachim Stockman, Phil. & Med. D. ac Prof. Ad
exequias, Quas Filiolo ... Joachimo ... Vir Dn. Johannes Harberding, hic Rostochii
ad aedem Spiritus S. Pastor ... hodie ad horam mediam primam paratas cupit;
Omnes omnium ordinum Cives Academicos amanter invitat**

Rostochii: Kilius, 1650

<http://purl.uni-rostock.de/rosdok/ppn777516705>


Druck Freier  Zugang



Stockman, J.,
in J. Harberding.

R. 1650.

69.



142.
RECTOR
Academiae Rostochiensis
JOACHIMUS STOCKMAN,
Phil. & Med. D. ac Prof.

Ad exequias,
Quas
Filiolo desideratissimo, infantulo
svavissimo

JOACHIMO.


Reverendus & Clarissimus Vir
DN. JOHANNES
HARBERDING,




hic Rostochij
ad edem Spiritus S.

affertur diligentissimus, hodiè ad horam mediam
primam paratas cupit;

*Omnes omnium ordinum Cives Academicos
amanter invitat.*



ROSTOCHII,
Typis NICOLAI KILII, Acad. Typogr:
ANNO M. DC. L.



Erenovo formosissimum esse annum, vere dixit Poëta ! etenim, grandine atq; nive hybernis sævienti- bus tempestatibus cooperta, deformis. & quasi sepulta quæ latuît terra, jam nunc, rediviva graminis & frugū viriditate, pulcherrimisq; flosculis exornatur, ac si in certamen vocet, scintillantibus astrorum igniculis, & longè lateq; micantibus stellis, picta cæli laquearia;

Et sanè, forsan est qui dubitet, annon hortorum deliciae quæ sunt, li-

lia, violæ, rosæ, fritillaria, hyacinthi,
narcissi, anemones, adonides, impe-
riales coronæ; partim argenteo, par-
tim aureo, partim purpureo, partim
cæruleo, partim variegato suo colo-
re, de die, affulgentibus solis radijs,
oculos nostros æquè pascant, &
aspectum remunerent, ac de nocte,
stipata stellis Luna minoribus; ne-
quid de fragrantia horum & illorum
florum, & amica naribus svavitare
dicam.

Quin etiam, vere novo, sylvis & ar-
boribus suis redditur, non minus
gratus nostro aspectui foliorum or-
natus, & novellos inter frondes dul-
cissimè resonat avicularum cantus,
carduelis, linariæ, fringillæ &c. & im-
primis hoc tempore luscinia, in cu-
jus cantu summa admiratione digna
sunt;

sunt; primum quod tanta vox in tam parvo
 corpusculo, & tam pertinax subsistat spiritus;
 deinde quod ita perfecta musicæ scientia mo-
 dulatus inde edatur sonus, qui nunc conti-
 nuo spiritu trahitur in longum, nunc varia-
 tur inflexo, nunc distinguitur conciso, co-
 pulatur intorto, promittitur, revocatur, in-
 fuscatur ex inopinato, interdum & secum
 ipse murmurat, plenus, gravis, acutus, cre-
 ber, extensus! ubi visum est, vibrans, sum-
 mus medius imus; & deniq; quod tantillis in
 faucibus ea deprehendantur omnia, & ma-
 jora, quam quæ ars hominum tot exquisitis
 excogitavit instrumentis, sive ut Plinius lo-
 quitur tormentis.

Sed quo me abripit philomelæ cantus; quem,
 quoties nostras aures demulcentem audi-
 mus, &, cujusvis alterius soni instar, brevi
 evanescere sentimus, humanæ vitæ fugacita-
 tem ad animum meritò revocamus, Etenim,

Τροχὸς ἄρματ' ἔχει γὰρ οἷα
 βιοτὸς τρέχει κυλιᾶτης,
 ὀλίγη δὲ κεισόμεθα
 κόνις, ὀστέων λυθέντων.

*Rota sicuti curulis
 Properat volucris atas,*

A 3

Tennis

*Tenuis jacebimus &
Cinis, ossibus solutis.*

Sic etiam, arborū folia quando contemplamur
nunc pulchrè virescentia pauloq; post exsue-
ca & decidua, humanam itidem fragilitatem
perpendere debemus, etenim.

οἷη περ φύλλων γενεὴ τίνδε καὶ ἀνθρώπων

*Tale quidem genus est hominum, quale
est foliorum,*

Nec non, idem meritò facimus quando quem
cunq; intuemur flosculum, siquidem & sacræ
& profanæ literæ, licet varijs caducis & brevi,
evanescentibus rebus (bullis, somnijs, umbris,
umbrarum somnijs &c.) potissimum tamen
hominem, ob fragilitatem, flori comparant;
juxta illud,

*Instar est floris (homo scil:) Tyriocomantis
Murice, UT, vultu modice sereno
Risit, afflatu tepidi repente
concidit austru.*

Atq; ita etiam noster & quidem præmaturius
concidit JOACHIMUS HARBERDING
tenerrimus infantulus, adeoq; verè flosculus,
qui anno 1649. die Aprilis 19. inter secundam
& tertiam matutinam natus, (& subsequentj
meridie

meridie baptismatis lavacro renatus) Patrem
habuit, Virum Reverendum & Clarissimum
DN. M. JOHANNEM HARBERDING
Pastorem hîc ad ædem S. spiritus vigilantissi-
mum, affinem & compatrem nostrum pluri-
mum honorandum; Matrem MARGARE-
TAM TARNO WEN, fæminam pietate
& virtute ornatissimam; avus paternus illi
fuit vir honestus & probus JUSTUS HER-
BERDING, cerevisiarius & Mercator Bar-
gensis apud Lubecenses, dum mortalium cæ-
tibus intererat; avia Materna AGNETA
Gnsen / Matrôna laudatissima avus mater-
nus vir admodum Reverendus & celeberrim-
us JOHANNES TARNOVIUS, S. S.
Theologiæ D. & Professor dum inviviserat;
avia materna DOROTHEA Rùthers /
matrôna itidem laudatissima.

Flosculi brevis sunt vitæ, ita & noster brevis
vitæ fuit, siquidem nec unicum complevit an-
num & diuturna tussi exhaustis viribus, nu-
dius quintus circa septimam vespertinam
placide exspiravit. Augustæ in quadam æde
sacra, pictura exstat cranij humani, cui ma-
jus culis aureis literis inscripta sunt hæc ver-
ba: quod TU ES, EGO FUI: QUOD
EGO SUM, TU ERIS.

Hæc

Hæc & ejusmodi nobis in mēmoriam quoti-
diana funera revocare debent, & inter illa
præsēntis infantuli, cujus exuviæ quia hodiē
hora media prima terramandabuntur, Vos ci-
ves Academicos moneo & officiose rogo, ut
frequentes funeris deductioni interesse veli-
tis, humanæ fragilitatis memores & nostram
Academiam, hanc urbem & Provinciam
vestris precibus Deo commendantes

P. P. Subsigillo Rostoratus,
die XV. Aprilis.

*Conventus fiet in Templo Jacobæo
ad horam mediam primam.*





meridie baptismatis lav
habuit, Virum Rever
DN. M. JOHANNE
Pastorem hinc adædem
mum, affinem & comp
mum honorandum; Ma
TAM TARNOWE
& virtute ornatissimam
fuit vir honestus & probu
BERDING, cerevisia
gensis apud Lubecenses,
tibus intererat; avia M
Gysen/ Matrona laud
nus vir admodum Reve
mus JOHANNES T
Theologiae D. & Professo
avia materna DORO
matrona itidem laudati
Flosculi brevis sunt vita
vitae fuit, siquidem nec un
num & diuturna tussi ex
dius quintus circa sept
placide exspiravit. Augu
sacra, pictura exstat cran
jus culis aureis literis insc
ba: quod TU ES, EGO
EGO SUM, TU ER

us) Patrem
larissimum
BERDING
vigilantissi
rum pluri
ARGARE
nam pietate
aternus illi
US HER
rcator Bar
rtalium cae
GNETA
vus mater
celeberr
VIUS, S. S.
viviserat;
Ruthers/
ster brevis
plevit an
ribus, nu
spertinam
adam aede
i, cui ma
t hac ver
QUOD
Hac

